

讀白華草堂詩初集

讀白華草堂詩初集卷五

巳卯

鎮平 黃 釗 穀生

定州觀東坡雪浪石卽用其韻

峨眉山頂古雪屯矗立不讓昆侖尊文豪一代拓奇險
天驚石破開塵昏中山古郡傍邊塞風沙滿日埋荒村
竭來作守勒部曲牙旗捲雪開轅門何年礮材忽摧落
撫此轉覺驚心魂波濤宦海亦殊惡反以雪浪鑱雲根
虎皮作勢工鍛法蜂窠數徧同篙痕瞿唐灩澦蜀江水
有田不歸空復論我來摩弄不忍去至寶好貯高驪盆
物以人重非玩好鬼神呵護千年存

讀唐人詩文集偶詠

子昂起射洪元音追正始獨存建安骨力變齊梁體大
雅振周衰高蹈關唐軌徒步走京師碌碌塵下士攜來
百軸文不抵一錢使千緡買胡琴闐動宣陽里長安盛
公卿貴耳乃如此

廣平立偉業不以詞章稱偶作梅花賦骨幹何峻嶒鐵
心而石腸凜然涵古冰婆娑感庠信嫵媚同魏徵幾年
沈下僚空見霜雪凌何人解識拔卓哉蘇摸稜

孤鴻海上來振翮揚清音凡鳥已相噪翩然歸故林桐
枝不自覆斷爲雲和琴明堂與清廟遺響猶可尋慙爲

川魚羨愁作海燕吟西風羽扇吹愴然千里心

青詩東門柳歲晏復憔悴遠識見盛衰微詞諷權貴李
花飄道傍無復青絲騎當時譎諫語不失忠孝意新蒲
江頭綠叢竹宮門翠事後空歎傷香泥已委地

文饒亦君子乃不喜樂天阻之以仕進厥罪在蔽賢文
章積滿篋緘置不復覩見之恐迴心是果何心肝文人
例窮厄知己亦太難彼能服吾詩釋怨當爲懽

吾愛杜樊川剛直有奇節憤激上罪言指陳寔痛切當
時藩鎮強朝臣盡結舌反覆蚩尤帥低徊孫武訣薄倖
自青樓孤忠在紫闥狂言驚四筵邁往殊不屑

表聖工論詩味在酸鹹外遭世當播遷用意在韜晦墜
笏佯失儀全身以遠害棄官歸中條名節何嘗昧耐辱
鄙躁進知非豈怨懟二疏與四皓司空其流輩

錚錚韓諫議孤忠見蹇諤席鬚亦常捋鳳尾不輕諾吾
疵自可斷守正一何確艷體慕徐陵綺語嗤沈約才人
賦閒情固自異輕薄一編香薷集豈必和凝託

送劉竹湄侍御出守曹州

銓曹二十年甄別推至公清直邁毛玠簡要逾王戎
帝曰咨汝賢汝今司考功予易汝衣豸予詔汝乘驄庶
無避朝貴亦毋憚強宗晴秋一鶚峙臺閣當生風

兩漢風俗美繁良二千石 帝曰惟汝賢汝當稱厥職
往年曹州民多半罹鋒鏑汝往宜休養汝往宜安集田
荒使之耕蠶熟使之績庶幾起瘡痍治與龔黃匹
春雲生碣石斜日明金臺祖帳城西門上馬勸一杯甚
知曹州民亟望太守來太守吾鄉賢久爲 中朝推今
往甦汝困譬如長枯荜行行僕馬遠颺颺旄旗開隨車
有甘澍無復飛黃埃

夢遊淨慈寺

結夢入幽境尋因隨淨緣蓮香魚問佛柳老蠹求仙僧
相樹身古我詩鈴語圓無言各微笑已証小乘禪

戴金谿先生招飲歸後作長句奉呈

開化夫子今通儒河間叟

紀文達

後無能踰十行並下目

不轉萬卷讀徧心常虛旁羅金石助談藪兼搜稗乘環

說鄂九州千年若指掌豈有記事胸中珠白雲亭內酸

風烏萬命出入爭錙銖活人不啻東海于歸來不語仍

讀書昨日散直飲朋舊繫余下走同招呼談天鄒衍逞

博辨說經樓望分歧殊

座中有二客談勾股及漢學

座客嘿然或瞠

視夫子莞爾惟將鬚始知羣材歸大雅有如砂寶鎔韞

鑪余生卅年尠聞見窮年且弋嗤佃漁醫俗尙遲特健

藥發家待換詒癡符眼前百谷苞委輸不擇行潦兼瀆

汗懸河之辯未足駭探源星宿知歸乎

憶竹

寒玉森森夾一渠閉門風雨護吾廬美人紅淚餘新粉
名士青編訂異書渡水偶然橫杓略遊山準擬辦籃輿
春來尙待龍孫長爲囑園丁漫劬鋤

肉食年來計太非故園玉版寸心違湘江笛碎蒼龍咽
閭閻糧空紫鳳飢醫俗有誰脫畦町卜居何日傍巖扉
海天綠浸珊瑚樹待斫琅玕坐釣磯

題黎楷屏明府

應鍾

浮山艮泉圖次張南山

維屏

韻

黎侯幽尙兼好奇常拖藤杖冠籜皮鄱陽作令近一載
匡廬面目雲端窺飛泉洗眼挂千丈珠綃認是鮫人遺
歸來閉門鬱不樂空憶山鬼驂文螭浮山之神拍手笑
待子已是千年遲眼前靈閭交臂失馳情域外將安歸
是時殘冬山骨瘦草木尙未迴春姿砒然靈境陡開闢
洞穴髣髴來仇池黎侯失喜忽叫絕十指捫壁愁懸椎
溪毛石髮若可數門闕徑路誰所爲兩山懸瀑似懸帛
一臺累石如累碁曾中自愛邱壑見耳畔常覺風霆馳
開先栖賢在何許此景相視豈遠而往者詎料有來者
記之不盡因圖之粵嶽山人香石風遊此當時補志空嗟

咨冥搜不得忽而現山靈母乃黎侯私山靈之意弗可
知黎侯之歸乃其時君不見衡山雲開亦偶耳嶽神竟
似私昌黎

夢遊五首

丁香蕊習海棠絲疑雨疑塵又一時夢到玻璃牕榻看
梨花霏雪弄猧兒

桐花落盡綠烟迷么鳳雙雙翦翅齊夢到假山亭上看
半鋤涼雨刷花泥

簾波輕漾篆香消鸚鵡猩紅間綠蕉夢到碧紗幮裏看
瘦瓢量水洗哥窯

涼雲滿地碧窗虛
桃簟橫攤午睡初
夢到石欄干畔看
戲卵花片撒紅魚

琴齋客散午陰稠
門掩簾垂茗椀收
夢到曲房深處看
背抽檀屣翫銀鉤

雨中偶成

寶鼎當窗碧篆稀
畫簾垂地綠痕肥
閒愁中雨沈難起
倦夢如塵濕不飛
睇燕有情相睠戀
幽花無語喻霏微
鬢絲冷淡茶煙暗
已覺畱春意緒違

首夏家在菴編修
招盛子履廣文
大士譚康侯農

部敬昭吳秋航解元
林辛山
聯桂張南山維

屏兩孝廉家香石明經培芳同集古藤書屋分

得同字

櫻桃上市芍藥紅燕臺四月吹晴風城南士女騁遊轂
衣香扇影黃塵蒙欲尋僻境事吟憩且喜詩老傳遺蹤
海波寺街古藤屋幽寓昔住鴛湖翁朱竹垞舊宅敦槃一代

已陳迹韻事繼起歸吾宗吾宗太史詞場雄招邀朋輩
攄懽悰酒龍詩虎逞豪快解衣岸幘忘踈慵薜蘿在眼

蒼翠隱煙嵐入手丹青濃

謂子履作畫

紫藤花密午陰靜鬧

晴屋角喧遊蜂却思諸老懽懽處疑有古魄吟風松吾
儕尙友幸不隔眼前况復苔岑同九州萍聚得勝侶百

年花事追羣公誰云江鄉風景勝佳日豈得常相從朋
簪之慶同遭逢莫因潦倒疑詩窮明年花發當更醉出
門大笑聯青驄

同子履南山出右安門至金園小憩

車箱撲盡六街塵小有餘芳問水濱展黛青山圖仕女
折腰楊柳拜風人遙天雲暝初離夢遠樹煙多不隔春
一任東華騁冠蓋九州吟侶自相親

秋航工詩而嬾尤憚作書昨與在菴索書甚急因
得其詩計欲緩此圍也次韻調之

匹夫櫝其璧富賈襲其衣一朝遇譎盜胠篋盡出之季

子實富有探索窺皇義多文似多積求益還歎咨不驕
咨乃甚封殖弗銜時重門更複室啟鑰安可期挑之若
蝸縮誘之增狐疑大巧掄以拙大黠飾以癡亂頭被麤
服謂是毀其姿豈知傾城姝面目終可窺清晨聞叩門
投我廿韻詩自云不工書書法偏中規拔劍舞渾脫左
右靡不宜我幸已窺豹所喜兼射麋君詩追古人深秘
不肯爲因我督書急扣弦聊復施本欲養一指竟使呈
四肢百能有百累此意吾久知懸椎自無用善刀卒能
揮慢藏與冶容此戒今休持

送子履出都

斫地王郎勸莫哀且攜濁酒暫登臺幾時華廐收名馬
自古深山老巨材我輩豈因科目重路人翻向熱腸猜
眼前國士畱難得誰把黃金鑄錯來

雲散搏沙未可期天涯惆悵正花時事當失意成詩福
話到高歌動酒悲西北浮雲多晦曖東南孔雀自褊褊
歸山莫便藏元豹文采還應世共窺

端午日大雨宿魯輿寓齋用吳秋航留在菴臥廬
印山同宿古藤書屋詩韻

荔熟蒲香節序過客邊風雨不妨多醉中短榻雲連枕
夢裏平田水拍坡好事襟懷圖笠屐思鄉情話及蠶禾

誰知此夕藤花屋一樣聯床有嘯歌

都門消夏八詠

庭架壓鞦韆牆陰薜荔牽歇涼思房馬聽雨夢江船乞
巧遲來夕煎茶話去年此間同美蔭竟日抱琴眠涼棚
蛛網疑當戶鮫綃訝在櫺日光穿野馬星影織流螢室
淺天浮白燈踈雨漏青何曾逞機巧本質自瓏玲冷布
一雨洗炎暑碧痕浮井梧高田比珠玉短榻夢江湖久
喝酒懷曠新涼詩骨蘇桃柳暗鄉國笠屐問誰圖賞雨
銅錢上街頭虛堂暑變秋觥分銀罍落簾映玉雕鏤心
跡看如此聰明得似不頭銜難買法惟有熱官愁買冰

雪梳涼先送冰盤暑待消艷情思碧玉乍割青瑤乍
可詩脾沁從教水厄銷馬卿如得味應比蔗漿饒浮瓜
美人在南國渴想已經年昨夢江頭路蘋珠百顆圓品
枰試瓜日銅盤賣冰天風味誰當擅長生曲可憐憶荔
擾擾喧書幌營營逐硯臺負金惟爾傲玷玉使人猜故
紙鑽難出餘腥扇不開司閭那免杖何故放渠來渠懶
咄咄尾生族何爲宵過從命宮豈相厄卧榻斷難容制
汝壁間虎螫人衙內蜂滅燈還一笑主簿此相逢照蠟

豐臺花

弔曼殊也

夢裏神山見雪膚生來恰肖玉盤盂廬陵本是西來鳥

解喚曇華作曼殊

未許長齋懺作尼蓮臺憔悴此楊枝紅心渴死無甘露
枉捨旃檀禮藥師

刺梅亭廢屋空存碧慘紅衰入斷垣月黑荒墳聞鬼唱
玉簫依舊祝家園

宿草葳蕤鎖未開弔花人自說豐臺西方尙有思惟樹
不是情根種不來

月夜登陶然亭

君不須問九陌黃塵幾時歇但入冰心卽闌絕亦不須
問中天明月幾回圓但逢清景皆可憐良夜沈沈促銀

漏長安市上月如晝誰憐金谷池臺荒競逐朱門酒肉
臭此時有客還獨醒攝衣來上陶然亭夜行已遭吠蛤
罵小語似有栖烏鷹菰蒲瑟瑟煙冥冥煙中不辨西山
青闌于四面嵌繁星微聞天宮夜不扃吁嗟乎冰山銅
山何足固轉眼園林變沮洳珠簾歌舞散春風石槨觸
骸泣秋露已無臺閣集鷓鴣剩有荆榛竄狐兔自天壇
至陶然
亭舊爲嚴世
蕃園林遺址茫茫百感來無端漠漠閒愁起何故今愁
皆古愁茲遊非昔遊君不聞車聲不絕如水流人生熱
鬧皆有求百年塵夢誰喚覺竭來此地耽清幽鐘鳴雞
唱忽已曙古時華屋今山邱

四川營

詠秦良玉事

桃花星向井絡守能逐貪狼禦天狗二百年來剩廢營
猶憶三軍駐刁斗廟堂白面誰知兵西南豺虎紛縱橫
繡旗十丈來神京賜詩馬上蜚英聲千人萬人爭嘆息
秦家女兒馬氏媳圖向凌煙閣上看褒鄂功臣少顏色
帳前來狩亦飛揚蜀隴秦川舊戰場饒歌合併高涼曲
譙國夫人錦繡張

戲詠唐樂府

觸邪鴈

豸鴈來張兩目不識字能抵觸麒麟鳳皇遠走高飛遠

讀史詩卷之十一
走高飛乃見神威好人惡人烏知之滿期待問武三思

兩脚狐

兩脚狐尙人面挖長巾搖大扇六郎蓮花蓮花六郎躑
躑跳擲舞其傍傍有老狐皋比坐語兩脚狐而師我老
狐下座試神通易高麗舞舞八風

乾樹雞

乾樹雞帳殿啼帳殿啼只有雌有雌無雄啄卵逞凶飛
龍小兒殺而食之漢宮野雉唐宮鸚鵡汝雞同毛羽咄
哉此三物竝當供刀俎

秋蟲

商聲滿天地爾亦助酸吟豈有遭時感翻爲變雅音銅
花沉碧暈瑤草咽紅心鏡影吾方讀霜痕髻莫侵

七夕大風雨宿魯輿寓齋

今夕是何夕乃復留客住重陰匝日雨入戍竟如注初
疑銀河翻又似紅牆仆橫空龍蛇奔乘漲鼃鼃赴喳喳
烏鵲聲苦勸公無渡吁嗟牛與女何事遭奇妒燈光射
窗竹閃閃同電露此時兒女情多恐神鬼怒漏痕下如
繩斂僕呼不寤寒衾倚紗幮假寐待天曙曹騰夢還家
銀缸絳華吐

鄉愁一首簡南山

側帽騎驢踏軟紅
頻年去燕復來鴻
攢眉塵土埋勞鞅
搔鬢時光感斷蓬
閨裏秋痕楊柳月
海邊潮信鯉魚風
祗應就訪僧廬客

南山寓米市街
衛古槐禪院

同話鄉愁入醉中

秋霽同魯輿看山如畫樓小坐

雨氣截殘暑
煙光恬早秋
等閒思讀畫
朝夕勸登樓
白鳥明人眼
青螺湧佛頭
曲屏圍短榻
小坐話滄洲

讀魏晉宋人詩得十一首

曹公真健者
氣概雄八區
橫槊見英風
長揖笑本初
古直鬱悲涼
短歌伉以舒
烈士感暮年
龜壽爭躊躇
銅臺望歌舞
石槨叢魚鼉
誰爲蒿里行
轉眼悲當塗

子桓文士風乃亦兒女子悽涼燕歌行掩抑諧宮徵亭
亭車蓋雲迢迢星漢水憂深思易煩情流禮難止傷懷
弔寡居哀詞預牀第由來魏晉俗放誕此君始

我讀朔風詩汎舟無榜人又讀怨歌行疑患間君臣臨
淄處猜嫌骨肉非至親小雅工怨誹關弓憾不仁讒巧
一以入涕泣難具陳低徊諷聖皇詞旨何溫醇

阮生不世人託迹類楚狂窮達亦何心歌哭乃無常希
賢向顏閔齊物寓老莊潔身夫豈能詠懷已足傷高鳴
徹九州衰世慚鳳皇

亂世不用晦取禍固可必好善而閭人況具不堪七哀

鳴幽憤詩補過已無日澡身思滄浪囚首困桎梏既無
減死恩空有養生術援琴操廣陵絕調一朝畢

振衣千仞岡濯足萬里流卓犖觀書史談笑無王侯修
奇賦三都騁博蒐九邱顧彼莽大夫何足爲低頭僭經
已叛聖失身況被收才名非九鼎氣節乃千秋

并州悲壯風髣髴追魏武家國痛深仇繁音悽以楚纍
纍盈腕珠泣作秦庭雨神州旣火燎託身未得所引領
寄長謠中夜獨起舞嗚呼失路悲猛士本龍虎

景純有遐心遊仙當招隱京華盛游俠所志托棲遯高
浪駕蓬萊彈指三山近纓冕果蟬蛻何至若朝槿避災

黍雜縣化生婉雉蜃形解不可期江流渺無盡

世短意常多要非不知足惕然念憂勤桑麻紛在目嗟
彼魏晉人清談行多濁陶公聖之徒魯叟仰高躅結廬
在人境抗節同夷叔繫彼西山薇配此東籬菊

謝公山水詩劖刻見天匠探幽取蒼深濟勝隘奔放樵
隱俱在山可以觀所向清曠招遠風五字獨絕唱曹劉
少見招潘陸豈足抗朱門侈羣屐紺宇繙經藏垢氛不
可攬末路何遺忘

臨觴忽不御側耳聽繁絃繁絃奏何曲歌者行路難嗚
呼古音節乃自漢魏還琴筑鞞婆箏錯雜十指彈蕪城

見落日送此哀笳酸歌乎吾起舞與君成古懽

玉簪花同康侯辛山南山賦

膽瓶新水供高齋
丰韻翛然許鶴儕
斐几巾箱名士積
玉鈎簾索麗人釵
綢繆夢影雲扶枕
清寂花陰露濕葺
似笑樊川狂未減
鬢絲禪榻說風懷

題文姬歸漢圖

雪壓穹廬草不春
胡笳拍拍訴酸辛
馳酥羊酪甘拋却
歸嫁陳留食淡人

黃絹遺殘幼婦存
孝娥碑側暗銷魂
中郎度語翻成誡
添抱賢王作外孫

題陳上舍

體元

居庸踏雪圖

朔風稜稜透寒鐵
千山萬山鳥飛絕
關門鼓角凍無聲
十丈紅旗捲陰雪
元龍意氣湖海豪
短裘快劍矜吾曹
呼鷹大澤黃雲動
射虎前山黑月高
昨聞策騎衝寒出
檢塞柳營呼健卒
美人暖意負羊羔
秋士酸心切馬骨
戍樓暮色壓旌竿
萬里辭家歲向闌
男兒壯志恣遊覽
不唱天寒行路難

瀟齋典試粵東回京喜晤戲成二十八字

海水沉沉鐵網開
星槎乘去日車迴
神魚却是天池物
不似金鰲釣得來

寒夜憶內

燈影怯凌兢
茶聲自沸騰
冬心閒味雪
春夢薄融冰
舊筆憐眉史
清齋惱髮僧
香篝空爾負
衾冷久生稜

苦寒歎

元雲幕地尖
風刮九衢冰
塵沍成鐵厓
驢瘦馬不足
傷往路逢凍
死骨不知何
時倒路邊但
見旁有堆子
卒今年天氣
寒甚遲冬至
前乃兩番雪
農人額手卜
歲豐已料饑
嗟人地尺天
公忍獨憫爾
輩不爲農人
望食麥朱門
酒肉無時無
窮輩何能少
沾仁可憐寒
餓填溝壑猶
似脅肩還屈
膝吾皇深仁
補缺陷五城
粥廠多添

設坊司縣官分責成千人萬人賴全活爾輩何爲至於
此母乃生前實狡黠情游莠稂雖所棄教養安輯當誰
責身憂天下固有人非士填胸痛殊切君不聞 九重
宵旰懷襄愁給流民歎河決

雪霽登陶然亭望西山

西山如睡起洗眼到踈櫺殘雪臥寒翠曉烟浮凍青梅
花在天末客思冷江亭一鶴橫空去歸雲共杳冥

在菴擢臺諫甫數日秋航卽以詩責言次韻一首
遭遇如君夙所期捫心何者擬酬知陽城職司人先諷
杜甫封章世或遺讜士友朋多好直清時言行不妨危

監門圖繪春陵策肯使流傳但短詩

落葉詩

秋風汝何意掃我園中穽朝來忽滿徑飄墮入巖壑尙
餘二三葉落落晨星若衰顏戀寒株生意太蕭索零星
點殘鴉徘徊警病鶴秋風卽春風同此拂林薄昔何吹
汝榮今何吹汝落豈伊亦炎涼胡然有厚薄過時自合
退莫待驚飈掠梧桐最先知翻然見幾作

落花如棄婦落葉同逐臣西風一以吹飄墮隨去津飄
墮亦何怨但望迴陽春長條敷新葉露浥兼煙屯成陰
自有日藉以蔭嗚人春風固無私秋風非不仁浩浩洞

庭波一白浮無垠楊花點作萍落葉終不淪

東海義士行

徐名慶題

沙窩門外墳累累廣東義園嗁子規子規嗁血鬼酸楚
夜半啾啾作鄉語狂沙苦雨燐火弱可憐飛不到鄉土
堂堂義士念桑梓生不識面憫其死腰三尺劍手一囊
裹四髑髏行萬里風餐水宿呼鬼俱鬼亦相愛如友于
歸來打門發囊看各家感泣環妻孥君不見長安酒食相
徵逐慷慨交情論骨肉一朝失勢白眼加何況墳頭號
宰木吁嗟義士此舉豈屑論功德天地神示已歎息鬼
神歎息人不聞義士今已官將軍

雪彌勒歌

大千幻作清涼界一個彌勒觀自在何年水乳自交融
當日珠眉詫不壞不察靈開混沌置口目搏士爲人有
嗜欲不願刻空臆誘和脂肝飽金焦像多欺謾六塵不
染已離垢色相俱空說窠臼堆漫付土饅頭掃蕩惟
憑鍾笏帶雪山童子獨將之談鳳凰雪竇禪
師圓覺出冰共浴洗塵想空靈一色不礙亦不滯
三生石畔金蓮金銅仙人如鉛清淚簌簌垂彌
勒無言張口笑一現曇花自然妙幻泡何者能千秋露
電原來付一覺何須當胸踢倒始大悟茫茫劫看恒沙

數逍遙天上本清虛遊戲人間還小住雪彌勒汝莫近
火坑汝莫過火宅世間摩頂放踵之輩皆歸墨獨汝皜
然不滓尙似儒門寒素守貞白成形雖借搏抐力賦質
居然舊本色東方紅輪照淨因送汝仍歸化人國

黑小子歌

京師有酒器名黑小子範砂爲之以其質麤黝
而價甚賤故有此名因戲爲作歌

黑小子姓陶沙陀人焦頭爛額据上座皤腹僂然止一
身豪家酒筵不屑就獨與寒士情相親腹中空洞本無
物旋轉當壚醉兀兀阮家兄弟紛擲掄此子母乃黑窰

出黑小子驟然笑公等守甕天取人但以貌君不見三
雅當日依劉氏自詡風流似名士一朝散落不可知空
憶葡萄流漢水又不見五經曾荷束帶迎爾時顧盼殊
寵榮酒醴不設王意怠申公乃不如穆生何如區區小
子意良得明知其白守其黑屠沽市井雜塗炭黝質無
虧留本色銀瓶任索白面郎瓦盆自餉蒼顏客賦形不
藉嵇康鍛抱器未要相如滌黑小子非壘言世間貴賤
亦等耳我寧作我面目存丈夫眇小品自尊妍媸巨細
何足云君不聞契丹使者來入貢獨識黑王相公名德
用

題朱彥甫睡心室圖

視不見曰希聽不聞曰夷大隱隱於睡道力探元微
睡目不睡心夢神乃出舍莊生非至人蘧蘧蝴蝶化
養氣使之行養心使之睡棲心已有扁合眼翻多事
薄月不受蝕輕雲微有痕此境已如夢齋心早忘言
心醉爲有情心睡爲無欲儒宗譬匪石禪門比枯木
絳宮神所居閉關不容劫却笑柳中庸空學筌心法
鵬月十九東坡生日在菴招同秋航康侯辛山香
石南山集安心竟齋賞雪

主人隔夜籌雅集設局消寒除斗室清晨客至盛衣冠

謂與東坡作生日

康侯辛山南山來始憶是日爲東坡生日

東坡生日年年

有我輩偶逢却非偶嶺雲海霧暗桄榔難得春明共樽酒
天公娛客作玉戲似代東坡勸客醉瓊樓玉宇不勝寒
今日羣仙正高會酒酣雪大詩膽熱青眼浩歌唾壺缺
八百年來一瓣香還似聚星堂畔設夜深舞鶴歸瑤臺
庭前積素光皚皚客車散去如沉雷余亦夢中騎蝶回
道逢玉局羅浮來報我萬本梅花開

余忠宣公元醜護心鏡歌

鏡有篆書八字銘其背云傾大坎盤風火無虞

千年金虎拘幽宮怒醜入土團殷紅取以製鏡元雲霧
似鐵非鐵銅非銅銘背八字略可通碩大坎盤禦火風

以紉厥甲蟠厥胷百戰不受刀兵攻至寶共詫神鬼工
況乃蓄自忠宣公公心赤如日當中捫之如湯百沸沖
孤城晝夜飛隆衛嘆出丹血成紫虹六年身累重圍重
心與鏡盟鏡則從青萍出匣化作龍虎魄未耗虎力窮
鑑於止水惟臣衷所不滅者猶熊熊子孫永寶同簠鐘
公二十世孫鼎以拓本見示用鎮魑魅祛妖凶鏡乎鏡乎爾遇隆公
魂飄然返太空爾魄應亦升圓宮

讀白華草堂詩初集卷六

庚辰

鎖平 黃 釗 穀生

四月初二日同楊蔚林同年 秀拔 家虎巖 遊崇

效寺

踈磬闕深閣定香閣遠林客稀僧亦冷門占寺常陰微
雨薰花性高雲見佛心鄉賢有碑碣古區訪古意同
深

出都留別諸同好兼憶南歸諸子

飢驅始出門出門走京國五年素染縑微名果何得飢
驅復出京出京返鄉邑有母垂七旬菽水尙能及男兒

壯盛不得意手撫干將劍鈍利尊前綠酒聲暗鳴口下
青衫色顛顛憶昔蒙岩凌九州斑斑乳虎氣食牛長安
少年爭把臂笑談直可無王侯狂呼呶飲意忽倦頗覺
此境非千秋騎驢戴笠詣街走落落吟朋快攜手藤花
古架風滿檐佛火虛堂雪封扉爾時此興復不淺豈意
清歡亦苦短啁啾鳴鳥各東西正坐詩窮被天遣玉河
春暖花枝紅幾人得意聯詩聽黃塵十丈迎而過道逢
相識難爲容吾儕豈有世俗見祇爲厭養疑熱山朝來
夢醒聞子見勸我日張三弄幃有田無田皆當歸

潞河始發

水光洗塵夢五載此神清便爾浮家去飄然去國輕魚
龍殊顯晦雲日雜陰晴新月檣頭記今宵第一程

秋航出宰蒙陰寄贈四首

延陵有狷士低首遊名場所學重本原一一窮濫觴立
言宗孟韓約旨賅荀揚壯歲始奪解才命輒相妨邇來
困京國經籍無輝光高文已不售衆口交雌黃已矣勿
復言可恃非文章

文章已難恃經濟亦何補至今牧令官百事不能主但
聞具供張幾見詢疾苦剜肉冀醫瘡肉盡血濡縷可憐
肘被掣致令心亦腐桑上難綢繆下民亦敢侮須知今

東蒙非同古鄒魯

頗聞此間民終年患盜賊其地復當衝搜捕難爲力百
案不一破舊卷已山積紛紛訴牘繁彈章例溺職不愁
吏不文反愁吏不墨墨吏多酷吏藉以懲捕役此語出
鄉氓聽之亦堪惻

我知君有守尤冀君有爲儒林與循吏其道本不歧刀
劍易牛犢不過一轉移明年吾儻來道出蒙山陞棗花
開纂纂豆葉抽離離坐聽謳使君村市環羣兒作詩代
贈以爲賢者期

舟過楊柳青有作

天津橋南酒初醒輕帆已抵楊柳青夕陽未落月已上
市風捲出魚鰕腥河流之字凡百折漕船銜尾催嚴程
是時晚涼襲衣袂汀花岸草生微馨水鳥掠船有野趣
浦雲過江無滯形却思燕市正苦熱黃塵十丈連郊垌
城根日色作旱瘦絲絲慘綠垂河柳高駝如山影在地
馱煤歸去搖空鈴涼棚連天起大厦飾壺灑地霏冰廳
填門車馬聚熱客堆盤酒肉圍飢蠅齋名往往榜吳舫
好風不到愁軒櫺熱腸取冷覺無謂豈如雲水浮空冥
我離京師近十日夢魂空曠神清凝風聲水聲答吟嘯
髣髴廣樂鈞天聽夜深倚篷戀清景遠洲漁火迴明星

詩集卷之三
朝天客夢應喚起九門魚鑰催開局

雜詩

咄咄當世士動輒悲詩窮臨觴發浩歎塊壘填心曾斫
劍悲壯懷焚琴洩憂衷究其所處境祇與常人同遂若
六合間皆爲荆棘叢詩歌尙敦厚豈必窮始工茹苦常
如甘吾將師蓼蟲

孔孟與伊呂窮達迴不侔誰云布衣業不如廊廟優今
人重仕進但爲溫飽謀諺云爲功名汲汲生煩憂功名
乃悞讀卒貽鐘鼎羞要知事業見不在爵位求君看乘
軒鶴何如服輓牛

陽和於何見乃在原上草長亭迴千里一碧媚煙曉生
意何青葱當此風日好何因元氣傷意衰色枯槁寄言
踏青人護此須及早霜霰慎勿侵牛羊慎勿擾幾見眾
草萎桃李能自保

當我能役人我亦爲人役身貴形已賤勞勞安得適因
思御軒冕不如衣逢掖出上宰相書人究天人策長揖
公卿間所至虛前席我今幸未仕寵辱兩無得畧能事
清狂尙許任孤僻果以此終焉於世究何益沈吟復沈
吟匏瓜豈不食

高雲不作雨未肯處巖谷晴天養其慵密比峯巒盡農

詞五言
四
人方苦旱祈雨似祈福高雲祇自高何曾潤霖霖山中
多閒雲自許媚幽獨慎勿輕出岫入荒盡屬目

人生百年中匆匆幾昏旦達人急行樂黃金手隨散珍
珠選歌舞金碧起樓觀願同草木腐不共金石爛達觀
豈不洞漫遊亦殊汗修名恐不立志士夙所歎明星何
煌煌孤鶴警夜半

舟中消夏八詠同林迪園太守

紹光

家在菴侍御

作

拓窗

不見岸移脚豈知天盡頭蓬窗一以拓四顧豁吟眸雲

水光爭入魚龍影欲浮崑崙與滄海畫本一齊收

倚櫂

涼雲起天末客思迴如何目斷重重樹愁歸渺渺波微吟託山鬼幽怨阻湘娥莫檢離騷讀舟人慣楚歌

掬月

招呼月不下宛在水之湄一掬已歸握十分圓未虧光明彈指見空色了拳陰那山懶槐師號了拳知便擬採珠去潛淵方睡驪

呼風

呼之如欲出瑟瑟動蒹葭仰視檣烏轉低吟海燕斜柳

陰方日午帆影尙天涯忽聽漁歌接船頭湧浪花

俯影

濠濮魚非子臨臯鶴又誰偶然俯水照殊訝出塵姿
魄天光洗心肝永液爲前身是明月只有老龍知

移陰

畫橋碧陰裏亭午且移舟琴夢遽然合詩心兀自幽
花蚊爭岸脚蘆鵬聚船頭一片風蟬咽溪光已借秋

狎鷗

白鷗吾與汝曾結水雲緣自我辭江海紅塵又五年
觀河人而改泛宅客心懸何似忘機者風標尙雪然

聽蛤

竟久不休歇何來羣吠聲池荒無獺伺隄冷少人行漠
漠涼煙白沈沈積水平沙明漁火暗遙和雁奴更

五月二十九日舟過東昌值在菴生辰醉作長句

奉呈

我不能持千金壽魯仲連又不能攜一石酒醉淳于髡
聊城城邊一棹過望古空泝三千年古人已往不可作
我輩清狂尙如昨凌風舒嘯入遙天疑是橫江兩黃鶴
昨日讀君詩東坡生日君拜之昨在菴以所作丙子
拜東坡生日詩見示今日醉我酒君之生日我拍手人生何者爲千秋會須高

詞一
視六合橫九州仰天大笑蘇張儔但能竊取金印欺王
侯男兒要作天下士豎子齷齪殊可羞不然亦當遍遊
三島凌十洲脚蹋桃浪掀鰲頭珊瑚十丈同海樗鐵網
一撒天爲收人生似此亦快意但遇生朝便當醉眼前
客是人中豪身後名非天外事飲我酒爲君壽古人今
人皆不朽不信但看客星今夜入青齊歲在庚辰五月
日廿九

舟中一首呈在菴

北馬南船不住忙風塵煙水總他鄉長途日月銷蓬鬢
歸夢星河落草堂古以虛名等蝸角今之畏路亦羊腸

雲中黃鵠沙邊雁同在江湖覓稻梁

魚臺道中

天影倒晴湖湖煙一縷孤遙青混牛馬空碧浴龜鳧官
牖惟抽水漁田不取租客來疑樂土風味近燕鱸

大風望微山湖

石隄捍長湖一綫平如砥涼雲冒四圍橫風亘千里層
層排浪花雪若大魚齒玻璃鏗有聲裂碎無完理須臾
復辟合明鏡不受洗微山露煙鬟娟娟隔湖水欲往愁
無梁垂虹跨青紫

舟過淮陰與子履翦燈夜話得詩四首

袍繫何曾薄一官青氍座上不知寒酒徒燕市酣歌易
國士淮陰乞食難風雪年時圖雅集江湖別後勸加餐
相逢快慰無他語互索新詩洗眼看

洶洶鼉鼓逐梗萍嗷嗷鴻雁集沙汀誰憐局外憂心亟
獨向樽前老淚零謀國有人思借箸上書無路且橫經
波濤四壁驚風雨坐擁寒燈焰不青

秋霜兩鬢歎蹉跎慣學王郎斫地歌五斗亦知爲貧耳
百年如此奈愁何監門圖繪流亡衆同谷詩篇涕泗多
空向名山論著述匡時經濟坐銷磨

頻年親舊感商參細雨簷花獨苦吟空闊乾坤供老眼

悲涼鼓角入秋心相看飢鶴巢孤島猶念寒鳥返故林
明日清淮重惜別海雲千里蕩浮陰

題子履南徐嶺樹圖卷

笑解詩囊破老慳扁舟江上載秋還誰知藤篋筠箱裏
尙貯江南十萬山

廣陵陽羨地何如十頃良田願尙虛若共東坡誓江水
人生只合住南徐

高郵道中

一綫長隄水拍天巢棲到處少民塋魚蝦命賤無疎網
鴻雁聲多有廢田大吏頻宣蠲減詔司空籌撥度支

錢匡時豈合書生事蒿目災黎倍慘然

雜揚詠古

埋鸞遺恨不堪聞老佛傷慈葬法雲惆悵六朝人物盡
選樓誰草上梁文

阿廢化去足魂銷秋冷揚州廿四橋愁向雷塘塍畔過
亂螢無數鬼吹簫

清河節母詩

古序

節母宏農楊氏女爲清河張氏側室早寡人婦
年五十餘性悍妬凌虐孀雛至不能安居時吾
母太孺人居吳門憐之爲賃屋紡績度日以其

餘緝囑先大人代爲存息太孺人以庚申九月
南歸張氏子已十二歲庚辰七月余自京國歸
道出吳門重訪節母於北寺後街家旣小康因
爲余設榻於家殷勤備至爲賦詩以紀

女蘿依松柏高蓋覆其身百年根葉盛霜霰迴陽春宏
農有賢媛儀一心則均少小適清河心嚙當宵晨青年
賦寡鵠白首羞奔鶉自惟命不猶敢學愁蛾顰吁嗟倉
庾炙難望鴟鴞仁毀巢逐子母悲鳴寄籬根誰能爲卵
翼繫我母夫人我母值家難流寓來吳門宏農忝同姓
呼作阿姨親細詢清河氏家亦粵海濱可憐厄閨楊得

言集卷之四
遇忘憂萱艱難爲賃麻紡機度晨昏一匹復一匹一年
復一年日月如擲梭積此十千緡殷勤託我母貧家止
短垣謹防在夜候怯篋挾籬藩我母謹收藏出與我翁
言何不假市賈爲伊贏子錢一年復一年十千復十千
榆莢亦易盛萍梗亦易分我母將南歸遠送及潁關臨
歧各悲咽淚漬白羅巾江中有鯉魚尺素可相煩嶺頭
有鴻鴈帛書亮匪難丁寧復丁寧別去河聲吞日月如
擲梭日月如跳丸倉龍已三次參商不相連我從京國
歸來吳訪慈顏登堂大慰喜亟呼兒來前鬢鬢已有鬚
呼我爲阿昆偕我遊北寺爲我掃東軒歸來至中庭看

饌紛羅駢沈沈燭影長
艷艷杯光妍笑語過夜半
但見秋月圓清晨方斂
戶鹽水已榻前殷勤謝
阿姨轉使儂弗便阿姨
復權笑此意何足申自
從別而母羸羸亦苟完
前年娶新婦鼓吹頗喧
闐生兒尙伶俐自幸今
有孫時常念而母來往
勞夢魂而母素康強鬢
髮寧似銀齒牙當無恙
祇須勸加餐尙望阿昆
賢來吳作好官而母得
迎養儂亦得盤桓慙顏
謝阿姨私願如是云浮
萍有時合但看風水皺
寒藤有時翠但看雨露
勻貞木多榮蔭惡木多
枯槁

五人墓

茄花亂春宮委鬼踞巍殿分道緹騎來合市簫聲變五
人匪市虎竟逐奴狗竄閣魄苟可褫吾頭詎憚斷白虹
五道橫繞作吳門練至今墓草淒尙疑血花濺山塘二
三月仕女春服倩尋芳弔鬼雄珠淚落如霰

虎邱三首

水銀精竭虎氣寒吳潭鬼伯吹微瀾魚腸三寸湛秋碧
剗斷青玦穿紅泉星毛削落帶腥血浮出髟髟鬼苔髮
玻璃滑作青銅聲一隙冷光刺蛟骨太湖炙鈎龍子愁
神物豈屑分恩讐美人膽怯俯明鏡鏡底倒出西施頭
劍池

石能補天石不語語恐天驚逗秋雨千人聽法石點頭
佛子講經能救苦衆生無識謂石頑可憐苦海翻波瀾
滄桑劫盡歷歷見石能填海石不言禪燈已滅老尊宿
廣座惟聽絲竹肉可中亭畔舞天魔靈鬼頑仙聽石哭
石生公

鬼蝶團風翻扇底嬌娥怯弄依香姊靈絲一脈搖空春
玉匣眠蠶怨紅死土花繡蝕花骨嬌靈狐約拜花生朝
春星迸石入幽壤如絲蘭氣陰空飄烏啼月落空山濕
浴劍池頭暗螢入老僧不寐石樓開麗影籠煙折花泣

貞娘墓

橫塘哭陳文成王墓三首

我父少孤丁遠涉至交趾南荒瘴癘深恃公若兄弟自
從蠻觸爭同向吳中徙羈留三十年黽勉畜妻子公時
至我家輒譽我不已生兒當仲謀擇壻須張耳公欲以女字余
公配不此意胡可忘識我自幼始

我父公呼兄我呼公爲叔公有兒與女我皆同牕讀公
或昇兒食亦食我梁肉公或製女衣亦衣我紬縠嗚呼
此何年境已隨轉燭佳城不可開墓草刺吾足

墓冢何纍纍公之玉雪兒長慶與長貴長福皆夭而長
生我呼兄同來淚漣漣往年寒食節弟妹相笑嬉墳前

學跪拜錦繡團團圍今朝燒紙錢但見蝴蝶飛蝴蝶自
飛飛公魂悲不悲

西湖雜感

偏安王氣久銷磨誰切同仇念枕戈錦樹河山藏鐵券
青燐風雨闕金陀英雄半壁朝廷小父老中原涕泗多
一片清波門外月幾時回照汴梁河

湖光山色半陰沈弔古悲秋感不禁南渡干戈生異議
西陵松柏死同心可憐孱主甘銜璧難得佳人枉散金
孤憤未完清怨起祇應吹鐵變龍吟

六橋煙水綠濛濛魚艇搖來酒旆風放鶴僧歸荒寺外

騎驢人老落花中出塵冰玉心無垢脫鎖蛟龍恨未終
且向吳山高處立不成仙佛亦英雄
零金剩碧總荒唐湖水匆匆易夕陽嶺下秋墳吟蟋蟀
塔邊殘骨雜牛羊金籠夢冷新懽地玉匣魂棲舊戰場
無數鬼悲螢火裏可憐專怨賈平章

吳山

垂天鵬翅海頭來欲背金杭翮曬開三界星辰禮仙佛
萬家煙火湧樓臺晴湖寶塔雷燒斷碕岸銀濤弩射迴
觀閣旂幢歸眼底粵山西望重徘徊

八月四日許玉年乃穀春伯華身兩上舍招同張

翰山編修岳崧家在菴侍御滿覺壠看桂集理
安寺早飲回定慧禪院看虎跑泉歸賦一首簡
諸君子

晨出清波門全湖看如畫南屏隱天光空碧忽然隘紆
迴歷田壠盤折轉山砦簾輿時低昂坐受塔禮拜未叩
玉版禪已抵金粟界千百分化身色香示不壞主人有
佛性爲客破花戒相攜入招提松顛閣耳澎湃煙雲擁
衛中一飯劇清快吾儕性喜遊應造行脚債湖山知信
美苦惜輿夫憊歸途迹泉孔隔嶺來梵噴安能區禪宗

聊復證詩派

雨中偕顏伯士敘適家子信允恂笏山允璣尹虹

允璣昆季至湖上小憩胡山神廟

湖雲不離山霏雨釀寒綠
輿向西冷煙路轉幾曲池
荷倚衰紅冷媚侵鬼屋屐滑遊客稀笠重歸僧獨空濛
六橋邊垂柳正梳沐一昨遊南屏連岡間層麓暖雲蒸
木樨黃似香稻熟今朝來花山濃陰散霰霏懸崖長石
耳曲港洗湖目花香雜雨氣團霧作幽馥似愁發洩盡
稍稍事含蓄湖神司晴雨作意養花福茲遊劇清寒正
喜遠囂俗明當裹飯來探勝入天竺

曉霧入七里瀧

輕舟已入瀧宿霧猶未展時聞隔水語漁樵不可辨羣
山如美人酣睡裏重繭薄日透羅幃開眸始一脰篙聲
刺石迴帆影貼山轉萬疊兜羅縣柔艣不能翦仙人霏
玉塵咫尺眯吾眼何處尋仙居雲中有雞犬

嚴灘遇雨

千峯縮入雲一雲飛入水水亦化作煙雨乃橫江駛我
舟冒雨入身在雲水裏歸牛浮鼻過淋漓濕其耳來帆
兩三葉一白迷尺咫江昏雨益猛急浪掣船尾沙冷團
白鷺篷濕立烏鬼何當圖泛宅蓑笠從茲始

嚴江雨後看諸峯雲氣作

詩集卷之三
青如嚴關萬仞疊寒翠雲如萬馬屯眠食水草地往
來非一族遊騎兼突騎排山樹百圍堅壁作守備閒雲
繚繞之一白現旗幟憶昔事征車裹氈歷幽薊咫尺居
庸關天險阻一至中原一髮青但覺饒嫵媚天公幻奇
境特爲騁雄恣沿村無狼烽近水有蜃氣舟行如馬行
看山且按轡

蘭谿舟中

宿雨斷晨浦嫩煙生夕林秋人波上影春女笛中心水
鳥戀寒夢草蟲工瘦吟孤舟迴薄暝一棹盪浮陰
舟夜聞蜚輾轉不能成寐枕上成一首

秋衾始覺薄肺病生單微殘燭亦已滅短枕不復支寒
螫慙慙鳴有若啼飢兒感此秋氣深令人憶庭幃衰年
有老母愛子心獨慈一別五載餘得不翻腸思寒閨響
刀尺有婦方製衣其旁子夜讀含睡語晤咿一燈照四
壁女亦鳴杼機此境如眼前乃隔天之涯天涯卽漸近
尙須兩月期就使兩月到豈無家累爲男婚女當嫁甘
旨需蜜餞況復有兩弟生產皆不治朔風逼歲除百事
如棼絲念之正無賴螫聲益酸悲九秋露方肅五夜腹
轉飢人生非金石焦灼當爛糜蟣蝨反相難笑我何由

肥

微雨舟行晚望

水氣暗前汀秋帆入杳冥
雁煙無際白魚雨自然青
客路幾重轉我行方始經
嚴江三百里回首失雲屏

玉山旅店懷驤雲弟

秋聲如雨客愁賒
一夕清霜入鬢華
伏枕波濤疑海上
倚樓鴻鴈尙天涯
楓林夢斷重洋暗
桂樹篇殘冷瘴加
何事浮雲遮望眼
百盤嶺路阻仙霞

信州謁謝文節祠

首陽之薇絜義士
孝娥之碑泣女子
吁嗟天地此何人
苦節竟以不食死
平時論古空歔歔
秦庭尙有申包胥

天時人事不可救已見廟社將榛墟團湖一敗全師棄
負母埋名入卜肆眼中悞識呂師夔此是先生一恨事
麻衣痛哭亦可哀當時晞髮同西臺招魂莫莫闍黎飯
驚鵲寒雲歸去來

訪茶山寺

生平入招提頗懶噉僧茗今朝造茶山未渴意先騁修
篁散涼陰叢桂翳清影天風泠然過彷彿熟茶鼎言尋
陸羽泉廢圃得甘井一僧朴而真不語早已省飲我南
鄉茶泉味厚且永當年桑苧翁肝肺獨清醒俗腸潤塵
土妄語別畦町我知尙凡骨欲換不敢請稽首誦茶經

醍醐乞灌頂

一杯亭弔趙忠定

一杯縱使萬緣空
憂樂還應與世同
如此江山思昨日
幾多觴詠接流風
我行天下憐孫楚
公在亭間笑醉翁
過眼雲煙定何物
吟詩且與問征鴻

九月初七夜

時在菴病
逝舟中

野煙如夢暗孤舟
歸盡林烏剩浦鷗
殘月依人猶怯影
冷衾背我各言愁
可堪生死傷離別
况復關河歎阻修
雪涕未能燈愈苦
笛聲何事水西頭

九月初八日登一杯亭

莽莽寒雲萬疊山悲來滿目盡榛菅風霜道路添華髮
生死交遊減醉顏幻影浮嵐空起滅忘情沙鳥自飛還
傷離歎逝兼秋盡早晚登臨涕泗潛

九日獨行信州北郭

九日未見黃花黃獨行北郭悲北邙壞堞斷如折屐齒
荒墳擠似開蓮房天涯酒人正愁悴地下詩客應感傷
秋風作意警霜骨紅樹滿山非夕陽

自廣信至瑞洪得詩十二首

淦淦信江陰城根宿霧沈塔峯迴鴈字橋水聚魚針事
去空彈劍悲來欲廢琴青楓前日路魂夢若爲尋

日暮艇成市天寒漁合圍布帆河口上竹櫛鎮頭歸魚
米關鄉思風霜窘客衣無聊便高詠且復忍斯飢
灘石碎光流孤帆晚未收煙情因月媚艣語入江柔欸
夢憐柯子聽歌記坎侯長年無藉甚一醉便蒙頭

聞說清虛境真人尙授經林魂離岸黑石骨切雲青龍
虎規山勢風雷感洞靈道心棲息處五嶽見真形

虎豹氣縱橫江潭草木驚硤寒攢鐵色篙瘦刺金聲舟
力從人借風威激水爭樵夫住何許招手有漁兄
磬確沙洲積依微草樹懸伐山人鑿石渡水鳥呼船濕
帶雲帆側涼衝雨笠圓矮篷攤飯後竹舍又團煙

雨氣暗黃昏飛濤搏水門萬牛回石力九鳥灘灘名魂
共命惟詩卷分愁藉酒尊江潭輕狎笑窮薄至今存
飛綠一江煙篷牕又灑然鯨牙蒼石利蟹眼碧波圓蘆
鵬疑烏鬼蓑漁似蛻仙白雲呼不近滴滴釀紅泉
蕎麥花堆雪蓴菰葉媚煙人家茅蓋屋漁舍網爲田霜
樹迷黃海江鷗點綠天水鄉圖畫好多在碧雲邊
三十六灣裏灣灣雪浪隕蜺盤帆詰曲螺旋岸紆迴土
賊探丸出江妖帶血來黃頭閒話及畏路尙驚猜
水落全湖瘦沙洲郭索行老魚吹夜火零雁守寒更月
霧鋪絲氣風潮折荻聲擁衾偏不寐詩骨欲爭鳴

天地沈陰色江湖激盪情苦吟爭性命薄醉感生平才
豈蛟龍識身猶燕雀輕鬼神真有力一笑小詩成

自南昌抵贛州雜成十八首

傍晚發洪州江漲正澎湃竿鳥向東南風水適相會竹
帆不見飽力已九牛大後先各爭長滕薛狎曹檣沙平
見江空雲暗覺天隘髡柳如顛僧相送只狂拜江湖慙
乞食少同孟婆勾區區竟余畀迴若出意外四愁詩罷
吟七發病當瘞拉手揖洪厓一笑何狡獪

八夜風益橫但覺船勢側披衣起推篷默坐惟屏息遠
火寒蒙中水霧壓之黑前船叫後船喘弱氣皆墨孤燈

照生門一舵出死力書生命窮薄欲速恐不得回頭語
長年且勿履危仄

夢回覺顛簸起視天漸朏浪花薄水艙出險轉竈背舵
師嫌船輕一笑苦難對腐儒似禪和行脚僅布帛雖裝
數部書不抵一擔菜黑貂與黃金敝盡出酸態惟餘幾
卷詩嘔血變金塊藉以壓歸裝萬石當不啻尙恐蛟龍
知肚篋奪所愛舟人笑相睨何物此重載

夜聞枯桑語明日當作寒侵曉覺被薄始憶衣裳單荒
江小聚落籬柵補始完少婦偶出汲瑟縮含秋顏高田
蕎麥花綠雪鋪漫漫清瘦出寒媚詩骨同嶮岼此語畧

自道一洗秋紅酸

燭滅見光芒乃自破篋出故人

在

心血完精在不留質

八夜防偷兒扇鏹置枕室暗中默背誦遺亡十之七江
風吹寒雨蓬底苦蕭瑟水鳥無陽聲鬼霧團黑漆一棺
尙難歸百憂豈能畢腹痛堪幾回嗚呼此其一

山腰若帶圍古堞東江口硤角迴奔流微聞怒鼉吼清
寒逼老蒼劉刻出奇醜石骨孕怪胎蛟卵不容剖峽風
穿石來勢挾虎熊走稚松如嬰孩元神獨完厚神廟何
陰陰血食此方守輕帆不復畱八峽屢回首

萬山隱青蒼洗眼見白塔有如深潭中一劍出龍匣剖

破玻璃天冷光逼雙睫連朝苦陰霾百怪入夢魘擲身
付波濤眠席豈能帖清晨忽失喜趁晴逐水鴨呼風使
轉頭看山許拄頰安知非仙佛喜與詩人接卽此亦因
緣鈴語不能答

吉江流作字洲渚相迴環羣峯並娟妙含睇雲屏間白
鳥刷青嵐破碎如飛煙一點着篷際水氣含蒼然綠雲
渺何許紅樹不可刪夕陽間醉翁可似滁州山

江邊何神廟久已不血食當時啄肉鴉散如朱門客空
檐蛛網圍壞瓦雀糞積風從破壁來土偶有愁色前村
賽鼓樂叢祠昨新闢遠望神樹高鴉點聚如墨滔滔水

東流匆匆日西匿炎涼到鬼神此意可歎息

古榕十畝陰中有社不屋秋報亦已完但享清閒福何
來喳喳聲鵲噪鴉相逐霜風掃葉來其下叢樵牧應知
社公惱神小壇不肅檣邊烏啞啞籬畔雞祝祝何如盼
燕回社公飽社肉

白龍破峽來萬嶂裂瑤碧噴薄迴蛟涎陡健落鵬翮
石三百里一一皆龍脊來船或悞觸掉尾付一擲千夫
爭性命百鬼懾魂魄山雨不一旬江漲高十尺嶙峋刻
露狀渾化漸無迹平時鏜鞳聲到此亦頓息過客耳其
名所見異夙昔本性甘蠖蟄虛聲致鼠嚇舟人妙風刺

龍固不可測

亂山設重圍埋伏至萬衆有聲如笑譁我舟已入獲茲
灘名綿繩百丈牽一縫水高不見石蓄意欲陰中舟師
怯猛行星光畏孤送巡山神還遊擊水鬼爭鬪寸心起
惶惑百怪生駭恫孤篷守一燈裹被如裹糲山風作虎
號伯奇來食夢

何年千老鴉蔽翼蹴晴雪逼視乃九牛浮鼻出復沒劈
面又不然濁水浴積鐵灘名曰武索索斷水脉絕往時
千夫纜百喊一寸拔茲來灘勢弱風力足與軋舟人竟
無功客意滋不悅髮可引千鈞臂能洞七札何不懸此

詩集卷之三
索坐看蛟龍齧

在天見爲星墜地卽爲石可知天上星亦如怪石積夜
來觀明河數點浸寒碧流雲作水聲母乃灘石激天船
此中橫來往亦險窄織女語張騫君來足閱歷人間有
風波天上更偏仄

日暮灘聲騎山色亦生畏惡浪分頭開出沒伏奇鬼前
船避劒鋒陷入沙膈裏呼叫慘如猿子母壓石底吁爾
石奇頑伺船礪爾齒我疑攢刀山脫險問舟子云是楊
梅磯狠惡久貫耳裂船如解牛刺水若剗兕不見沙洲
邊破船浸寒水

曉聞灘聲青夜聞灘聲黑灘聲定何物曉夜聲異色境
乃心所造心受境所役因之生怖恐百怪日惶惑我讀
釋氏書大旨歸寂滅色相本無着聲聞於何覓一燈同
枯禪我心已頑石

大石落鴻鵠小石浮鳬鷺巨石鼇背脊碎石魚鱗鱗漁
翁碧雙眼瘦黑如鸕鷀撒網大烏江打槳漁孫隨綠煙
散朝旭白鷺窺寒漪灘聲莽鉞沸山氣黍飢炊相看意
豈厭余方忍朝飢

陰陰水府神儲潭做靈窟神旗閃鴉羣廟柱漬牲血灘
神十八尊肅坐凜袍笏我來再拜瞻氣斂不敢唾默念

灘石詩母乃近慢義忠信涉風波古語自奇切灘神恕
我狂此子非佻達

百家

窰頭天尙黑犯曉一帆斜水霧迷三里墟煙見百家估
船人買肉村舍婦燒茶

土俗少婦以梨茶餉客

誰識卑官樂

有巡檢

高眠不放衙

發贛州西關作

鄉關沂東江舵尾反西捩歸心如潮頭龕赭作一折輕
帆乍轉脚劈面壓巒嶸蒼然暮靄沈罨若殘霞抹陽烏
迴洪鑪天地積紫鐵山靈骨先醉酡顏媚我悅爾來寡懽

惊人眼殊突兀山醉吾自醒楓林挂殘月

來鴻

不道關山爾許長一年秋又盡重陽無多朋輩偏搖落
容易年華說老蒼開篋黃梅思舊雨出林紅柿帶新霜
來鴻迢遞休嫌遠尙有征人客路傍

簸箕潭覆舟紀事

天文箕主風風颶驗箕口地名簸箕潭招風亦非偶庚
辰秋九月辛巳日神守午刻離南康將近食頃久我舟
忽如馬脫轡竟佚走長年呼落帆心亂不應手船身甫
一側呼救不及掇水底坐觀天窘若魚在罾篷罅引手

讀史詩
來牽出笑斯狗骨戰已及齒足硬漸至肘沃以薑蘇湯
稍定氣猶擻幫船撈箱篋十尙得八九事後默自慰天
意待我厚一昨發南昌船側夜深黝牛馬不可辨但聞
怒鯨吼此時一歆覆微命復何有履險能如夷雖客亦
無咎今宵醉何名笑云壓驚酒

淺艙倚醉眠濕被拆綿裏做裘雜敗絮逐漸烘竈火
時誇富蓄書畫積何夥孤好觸物忌飄風爲顛簸古賢
與時賢同遭清流禍貪龍不能吟詩卷橫奪我匹夫懷
寶心抱此若珠顆取之太傷廉母乃義不可因思廿年
中角張遇多左風逆鷁屢退石仄鼈幾跛江潭顧輕狎

失脚一朝墮小懲乃大誠後悔我亦頗爲語同舟人禍
福測固叵

檢在菴畫幀感賦四首

瘦骨支離着病根一枝開盡已黃昏傷心大庾山前月
照到詩人過嶺魂

梅

露坂霜皋劇可悲若爲蕭艾槁應遲國香消歇靈根死
腸斷遺編續楚詞

蘭

祖洲大藥佩神方尙許扶人壽命長誰料匆匆先蝶化

不能畱汝到重陽

菊 在菴于九月初二日病逝

山鬼悲號猿夜吟美人日暮徙空林七條絃斷波濤冷

空向魚山聽梵音

水仙

梅嶺

何人揮神斤劃斷青玉玦樹杪蠕蠕動萬蟻緣一垤三
冬汗流漿九夏踵灼鐵中原大無外此險爲誰設想當
鴻濛初鶉火精闕結鑿開一綫天文明耀南粵我來十
月間嶺梅尙未發山鳥作鄉音飛過聲嘎嘎

謁張文獻祠

開元以來論相業我獨不喜姚元之堂堂曲江擅風度
韓休宋璟堪肩隨惜哉遭忌用不竟西風羽扇飄戾吹
雨淋鈴泣山下鬼一騎香奉空爾爲維公崛起南天陞

翔鸞翔鳳輝光儀破鴻荒手闢風氣文章木亦彪南離
梅關千仞通一綫下趨章貢波無涯吾家涪翁不祧祖
宗派衍出西江詩若從著作論俎豆嶺南詩祖非公誰
明堂清廟正聲在孤桐百尺龍門枝同時燕公稱手筆
僅於臺閣誇鴻規死姚崇亦勝張說以公視此殊卑卑
千秋金鑑仍昭垂與海上月同明輝宏文鉅業兩雙絕
豈止鑿險人謳思當年鑿險人謳思梅花千樹環公祠
夜宿彈子灘

英石競奇偉却退忽相下截江堵一磯厥勢實雄霸了
叉髻雙角駢比指一罅山風爭谿谿逼窄出其勝傳聞

廣明賊挾彈此叱咤日入峽氣昏狠惡吁可怕灘聲益
悲健月色若假借隔水鳥驚呼客愁警中夜

觀音巖

魚王禮佛戴鰲塔入夜光明現珠蛤蛤開見佛不能合
化爲陡石石裂脇峽中夜漁聞海潮潮音如沸浮僧寮
琉璃千片燈盪搖波旬五百紛來朝英石旋螺堆萬箇
女媧沈吟不敢破一綫天如芥孔大畱與西方闢蓮座

韶石

贛石三百里捲地作飛霍韶石四九峯刺天若排稍九
封一關阻戟射兩雄角西江設門戶南粵自正朔山靈

漸喜事次第興禮樂毬門寶蓋擎侍石香鑪斷仗開雙
闕齊鼎峙三峯卓橐駝儼環衛獅子絕超踔公然老大
佗竊帝據黃幄一曲武溪深車旗雜饒鐃何人見翠華
駐蹕奏簫箏

大廟峽

崩厓竄驚磨昏潭伺飢獺水風穿脇來亂石豎毛髮當
年虞惠如廟食享牲血墩臺傍峽角門戶嚴扃鐫居然
夫人城控制表崇仡漁船泊沙嘴編戶成比櫛天寒樵
者稀颯颯楓葉脫回頭望香爐空際紫煙結

湏陽峽

千年海雨昏巨石變枯朽劈裂膚肉皺撐拄骨節瘦瀕
陽一綫奔嶄然束其口兜鍪爾何人蠻甲土花繡秦皇
鞭之來險隘作尉候至今屹餘威狐兔尙駭走時平斥
堠閒地暖草木厚我來百無事刻劃到奇醜轉面覲江
沙排竹插魚筍

夜過中宿峽

飛泉撼幽夢夢裏聽驚禽械械千林響風迴峽氣陰定
雲開石面古月冷猿心帝子讀書處一燈寒到今

將至廣州檢在巷遺稿哭之以詩

憶余已已遊京師始謁潮州楊北海龍中推能文者稱伯

璣在巷

我心佩之若蘭茝辛未始識面君甫入翰林落

落寡言笑不敢傾素襟金閭董太史

國華

詞賦挾飛仙我

初識之丙子年嶺南詩人爲我一一數獨於君詩贊歎

重流連君從何處得知我打門索我新詩篇我才視君

瞳乎後君乃傾心更頻首招我以詩侑以酒盟以車笠

要永久長安米貴不易居我獨居之綽有餘嗚呼君賢

孰得如君本寒士身能悉寒士介嗟來噉蹴素不屑依

人乞食無卑態我狂君早諒君貧我亦知九門風雪歸

來遲鹹蘗酸酒向煤炕一燈促坐猶談詩君言卅角之

交有吳子

梯

論詩與我究其旨計與子爲兩人耳語罷

忽欵欵自云此生年壽恐不永安得好詩千首流傳之
去冬十月遷臺諫疏陳積弊蘇嗽雁御屏風已書姓名
事業崇朝可立見斯時假歸計何左我固知君留不可
爲臣職忠子職孝荆棘叢叢墓門鎖端四出京師兩姪

九樹

一子隨

允

邀余鼓棹同舟歸篷窗互詠驚人詩五

月廿九過東昌君之生日我盡觴醉後高詠忘其狂六
月之杪過維揚七月過蘇兼過杭炎雲毒日得無恙九
月漸漸成秋涼輕舟抵常山猝然感風寒兼程至廣信
醫來諭其難君性卞急余性畧謂君小病可勿藥七日
不食漸消削九月二日忽大汗隱隱江頭聞夜鶴鳴呼

伯璣竟去矣掉首曾無一語託孤兒
嘯陶囊早空病姪支離體尙弱
開關三千里送君歸廣州昨宵入我夢
多脈驂文虬陰風迴旋鬼參肅愁雲黯黯呼停騶
似言家國心未畢魂來欲訴平生愁
嗚呼君心不死有如此我欲慰君語
復止君家八口畱燕京新逋舊債牛毛積
何計得歸此僂佻君之著迷苦不多片紙隻字煩搜羅
何時付梓得不磨紅毛鬼子來東粵利市三倍術狡黠將鉛參銀鑄
番錢價過白銀銀轉蝕澳門市舶集諸夷設立營將兼官司邇來法制寢廢弛
攜帶出入任自爲君於兩事防最豫欲待還朝上章疏嗚呼君爲言官有

言責上年封事殊切實只今四十始過四 朝望正許
爲良弼巫陽召君一何亟嗚呼君於家國心未畢我欲
哭君聲抑塞豈爲私情痛肝膈海水暗澹天如墨風危
浪險蛟龍泣我攜君詩當懷壁且待他年策蹇入京師
更集九州詩人共商質

海珠寺

旂幢連觀閣日夜市聲浮花藥分三島煙霞足十洲天
疑開鏡人人作弄珠遊一縷慈雲起涼陰上佛頭

深井

水氣虎門東雲帆沒遠空海涼風掃碧潮定月生紅蠻

船輪藉貨漁船養蠶翁珊瑚挂何處煙島綠濛濛

舟中望羅浮

四百妙峯巔峯峯斷復連日華丹洞納雲氣石樓懸絳
螺馱花姊青丰簇雨仙夜來飛夢迴藤杖鐵橋邊

野泊

埃火同星出林颺逐犬狺夜船人說鬼昏寨虎求神笑
語鄉音雜寒暄客況親年豐無盜警用雁奴巡

晚行擬抵大尾墟不得宿釣魚翁

日暮寒江空船行屢冒淺客心緊如弦風鳥苦難轉沿
江立隻埃見輒明人眼日行五六塘路長晷復短蔗畦

比稻田一望絕平衍
犂确沙洲邊細石聚如蜺
遙遙大尾墟村樹疑可辨
寒星已出林遠火若依
巘月冷釣魚翁煙中吹寒太

南歸雜述

九門迴首鬱嵯峨
百丈牽船駕浪過
析木晚潮浮黑海中
條晴雪斷黃河
熬鹽萬竈農田少
轉粟千艘賈貨多
天上白榆看歷歷
似聞水氣靜鼉鼉

天津

頻年惡浪撼鯨牛
內府金錢費堵修
決策至今思大夏
防河自昔患張秋
輕狂牖吏如瀧吏
淼瀾漳流合汶流
計過南陽纔百里
楚雲齊樹界徐州

通州

廣文官冷似寒鴉木落淮南感歲華招隱詩篇攀桂樹

迴瀾涕淚逐桃花心悲騏驥三千里夢陷蛟鼉十萬家

我亦江湖最蕭瑟飢來蓬轉尙天涯

淮安時盛子履爲山陽學博

觀裏瓊花孰主持繁華過去使人思烏絲紅袖摩圍夢

馬喜龍悲寶誌詩三月煙花無賴甚六朝文物可憐誰

年來頗厭笙歌地懶向揚州借鶴騎

揚州

歷歷帆檣指潤州打篷橫捲海門秋江聲尙挾英雄氣

山色難消粉黛愁終古春潮歸荻浦祇今秋雪撲蘭舟

無情最是搖天浪淘盡寒沙易白頭

鎮江

酒肆茶坊一再經冷遊閒上可中亭三生事待詢臺石

半解禪空叩塔鈴客夢久荒金峽蝶鬼歌猶唱玉蜻蜓
阿蒙自詡吳音熟仔細秋娘隔舫聽

蘇州

鴿子堂開夜翦燈樽前石榻話吳興客無癖好終嫌俗
官有清修已近僧乞畫眉橫千畝竹論詩眼注一壺冰

劇憐茗霽匆匆過未得看山倚瘦藤

湖州張雲巢太守約遊道場山不

果

湧金門外趁斜曛置驛豪情有使君

何藜閣明府

荷葉秋聲

孤館雨梅花春夢段橋雲飲來東浦傾三石吟到西湖

得二分掩燭聽鴻湖未落桐江涼月又紛紛

杭州

水綠山青一棹輕鯉魚風急暗潮生蕙蘭易覓黃金種

湮月難孤碧玉情
燈畔客憐垂手舞
鏡中人愛畫眉聲

柁樓晚飯尋常事
誰識身從障子行

桐江

臨江高閣敞紅疏
雨過帆檣縱目初
南浦草香紉蝶畫
西山雲氣彩鸞書
江湖襟帶猶形勝
環珮風流久夢虛
才子神仙無一可
祇應洲畔學耕漁

南昌

食人金虎沴凶橫
竟向尸陀國內行
委頓人形漸

平鬼

氣荒唐蝶角禳鴟聲
但憑司癘張威福
怕向庸醫問死

生

時疫大行

只有梅身真鐵榦
香雲團處瘴煙輕

梅嶺

翡翠珊瑚貢越裳
由來寶玉產吾鄉
花田珠闕劉玢芻
估舶金輪陸賈裝
潮退神魚仍跋浪
露濃么鳳解收香

蓬萊左股飛能土但借仙人五色羊

廣州

白鶴峯高障夕曛黃龍洞遠阻晴氛難逢散隸陪遊戲
但志髯仙博見聞夢裏梅花參古月偈中蓮葉現朝雲
湖心漁笛城頭角併入孤舟客思紛

惠州

繅繭家家賽養蠶霜風乾到采桑籃烏枝曉月低城北
鴨菜晴灘落水南十月場功殘稻割六年鄉信早梅探
雲山今日明人眼花誥層層簇紫嵐

嘉應

到家五首

歸程夏徂冬已歷二百日望衡心早欣下輿足倍疾當
門父老迎一一拜揖畢慈母髮垂頰手扶衆孫出云盼

兒歸來歸來卽安吉餘語未及道但見喜氣溢兒童看
熱鬧雜遝塞滿室長成及幼穉舉眼多不識人叢一幼
女對我笑口啞彷彿似曼芝呼之反走匿昆友接踵來
答問重複述述之敢厭煩真意苦難拂

雞啼日過午衆客稍稍退歸房侍阿母轉身見阿妹問
兄過博羅可見外甥輩兄過博羅時上岸尋學廨正齋
傍山麓迎門犬爭吠羣兒正酣嬉見我頗驚怪入門見
親母慰問覺親愛呼博博來前前向阿舅拜阿見頗畏
羞但跟阿婆背問念阿娘否不語有暱態妹夫有書來
留京亦能耐親母爲我言語妹勿牽挂甥女與甥男日

言
見日長大

老母聽我言慰喜逾常舊並云近年來全家荷神祐月前得兒書知兒舟被覆且喜得無恙當是神援救自從七八月瘟疫病爭邁城市及鄉村日日看送柩神明辛保護我家老及幼兒今平安歸豈必貴與富今年雖苦旱尚有瓜藟豆兒婦復善釀酒味清且厚須爲卒歲謀可以宴親舊長跼謝慈母賤貧得母壽

嬌女呼父浴浴罷方進衣房帷燦明釭婦乃前致詞別離五六年阿馨已及笄嫁衣待料理明歲歸有期細滿作養媳翁姑最憐伊今年遭痘殤親母淚漣漣阿曼跟

阿婆左右不肯離阿婆雖康健齒髮漸就衰去年得鄉
舉京信來何遲京中報人來伯叔尙然疑長夜語瑣屑
漸漸交子時阿馥因爺歸書聲尙唔呿

晨興坐荒齋稍稍理塵簡飢蟬粘斷縑飽鼠棄殘卷阿
弟爲我言兄歸日尙淺米鹽事凌雜歲暮卽轉眼強顏
謂兩弟一月尙寬限兄從京師來亟知不可緩頻年困
風塵孝養缺洗腆無地築債臺有牘薦賓館由來乞米
書乃是士恆產行當赴潮州坐看南風轉